

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Rituale Sive Obsequiale Ecclesiae Et Dioecesis Constantiensis

Constantiae, 1686

Officium defvntorvm

[urn:nbn:de:bsz:31-132849](https://nbn-resolving.org/urn:nbn:de:bsz:31-132849)

OFFICIUM
DEFUNCTO RVM

Dicitur in Choro in die Commemorationis omnium Fidelium Defunctorū, in die depositionis & alijs diebus, pro temporis opportunitate, & Ecclesiarum consuetudine, prout in Breviario habetur. In die verò Commemorationis omnium Fidelium Defunctorum, & in die depositionis duplicantur Antiphonæ. Et in fine Psalmorum dicitur, Requiem æternam dona eis Domine. Et lux perpetua luceat eis. etiamsi pro uno tantum fiat Officium.

Ad Vesperas absolurè incipitur ab Antiph.



Placebo Domino. 2. E u o a c.

Psalmus 114.



Dilexi, quoniam exaudiet Dominus *
vocem orationis meæ.

Quia inclinavit aurem suam mihi: *
& in diebus meis invocabo.

Dd 2

Cir-

Circumdederunt me dolores mortis: * & pericula inferni invenerunt me.

Tribulationem & dolorem inveni: * & nomen Domini invocavi.

O Domine, libera animam meam: * misericors Dominus, & justus, & Deus noster miseretur.

Custodiens parvulos Dominus: * humiliatus sum, & liberavit me.

Convertere anima mea in requiem tuam: * quia Dominus benefecit tibi.

Quia eripuit animam meam de morte: * oculos meos à lacrymis, pedes meos à lapsu.

Placebo Domino * in regione vivorum.

Requiem æternam dona eis, Domine.

Et lux perpetua luceat eis.



Añã. Placebo Domino in regione vivorũ.



Añã. Heu mihi. z. E u o a e.

Psal

Psalmus 119.

AD Dominum cum tribularer clamavi: *
& exaudivit me.

Domine libera animam meam à labijs iniquis, * & à lingua dolosa.

Quid detur tibi, aut quid apponatur tibi, *
ad linguam dolosam?

Sagittæ potentis acutæ, * cum carbonibus desolatorijs.

Heu mihi, quia incolatus meus prolongatus est, habitavi cum habitantibus Cedar: * multum incola fuit anima mea.

Cum his, qui oderunt pacem, eram pacificus: * cum loquebar illis, impugnabant me gratis.

Requiem æternam dona eis, &c.



Ant. Heu mihi, Domine quia incolatus



meus pro longatus est.

Ant.



Añ. Dominus 2. E u o a c.

Psalms 125.

L Evavi oculos meos in montes, * undè veniet auxilium mihi.

Auxilium meum à Domino, * qui fecit cælum & terram.

Non det in commotionem pedem tuum: * nequè dormitet qui custodit te.

Ecce non dormitabit, nequè dormiet, * qui custodit Israël.

Dominus custodit te, Dominus protectio tua * super manum dexteram tuam.

Per diem sol non uret te: * nequè luna per noctem.

Dominus custodit te ab omni malo: * custodiat animam tuam Dominus.

Dominus custodiat introitum tuum, & exitum tuum; * ex hoc nunc & usque in sæculum.

Requiem æternam dona eis, Domine.

Et lux perpetua luceat eis.

Ant.



Añã. Dominus custodit te ab omni malo,



custodiat animam tuam Dominus.



Añã. Si iniquitates. 7. E u o a c.

Psalms 129.

DE profundis clamavi ad te Domine: *
Domine exaudi vocem meam.

Fiant aures tuæ intendentes, * in vocem de-
precationis meæ.

Si iniquitates observaveris Domine: * Do-
mine quis sustinebit ?

Quia apud te propitiatio est: * & propter
legem tua u sustinui te Domine.

Sulti-

Sustinuit anima mea in verbo eius: * speravit anima mea in Domino.

A custodia matutina usque ad noctem, * speret Israël in Domino.

Quia apud Dominum misericordia: * & copiosa apud eum redemptio.

Et ipse redimet Israël, * ex omnibus iniquitatibus eius.

Requiem æternam dona eis. &c.



Añā. Si iniquitates observaveris Domine,



Domine, quis sustinebit?



Ant. Opera. 2. E u o a e.

Pal-

Psalmus 137.

Confitebor tibi Domine, in toto corde meo: * quoniam audisti verba oris mei.

In conspectu Angelorum psallam tibi: * adorabo ad templum sanctum tuum, & confitebor nomini tuo.

Super misericordia tua, & veritate tua: * quoniam magnificasti super omne, nomen sanctum tuum.

In quacunquè die invocavero te, exaudi me: * multiplicabis in anima mea virtutem.

Confiteantur tibi Domine omnes reges terræ: * quia audierunt omnia verba oris tui.

Et cantent in vijs Domini: * quoniam magna est gloria Domini.

Quoniam excelsus Dominus, & humilia respicit: * & alta à longè cognoscit.

Si ambulavero in medio tribulationis, vivificabis me: * & super iram inimicorum meorū extendisti manum tuam, & salvum me fecit dextera tua.

Dominus retribuet pro me: * Domine, misericordia tua in sæculum: opera manuum tuarum ne despicias. **R**equiem æternam, &c.

Ec

Ant.



Añ. O pe ra manuum tu arum Domine



ne de spici as.



ʒ. Audiui vocem de cælo dicentem mihi.



R. Beati mortui, qui in Domino moriuntur.



Añ. Om ne. 7. Eu ou a e.

Can-

Canticum B. Mariæ Virginis. Luc. i.

Magnificat * anima mea Dominum.
Et exultavit spiritus meus * in Deo salu-
 lutari meo.

Quia respexit humilitatem ancillæ suæ: *
 ecce enim ex hoc beatam medicent omnes ge-
 nerationes.

Quia fecit mihi magna qui potens est: * &
 sanctum nomen ejus.

Et misericordia ejus à progenie in proge-
 nies * timentibus eum.

Fecit potentiam in brachio suo: * dispersit
 superbos mente cordis sui.

Deposuit potentes de sede, * & exaltavit
 humiles.

Esurientes implevit bonis: * & divites di-
 misit inanes.

Suscepit Israël puerum suum, * recorda-
 tus misericordiæ suæ.

Sicut locutus est ad patres nostros, * Abra-
 ham, & semini ejus in sæcula.

Requiem æternam dona eis, Domine.

Et lux perpetua luceat eis.



Ant. Om ne quod dat mihi pa ter



ad me ve ni et, & e um, qui venit ad



me, non eij ci am foras.

Preces infra scriptæ dicuntur flexis genibus,
similiter & ad Laudes. Pater noster. *secretò.*

℣. Et ne nos inducas in tentationem.

℞. Sed libera nos à malo.

Psalmus 145.

Lauda anima mea Dominum, laudabo Do-
minum in vita mea: * psallam Deo meo
quamdiu fuero.

*N*oli-

Nolite confidere in principibus: * in filiis hominum, in quibus non est salus.

Exibit spiritus eius, & revertetur in terram suam: * in illa die peribunt omnes cogitationes eorum.

Beatus, cuius Deus Jacob adiutor eius, spes eius in Domino Deo ipse: * qui fecit cælum & terram, mare, & omnia quæ in eis sunt.

Qui custodit veritatem in sæculum, facit iudicium injuriis patientibus, dat escam esuri-entibus.

Dominus solvit compeditos: * Dominus illuminat cæcos.

Dominus erigit elisos, * Dominus diligit justos.

Dominus custodit advenas, pupillum, & viduam suscipiet: * & vias peccatorum disperdet.

Regnabit Dominus in sæcula, Deus tuus Sion * in generationem & generationem.

Cujus loco ad Laudes dicitur Psal. De profundis, qui Psalmi non dicuntur in die omnium fidelium Defunctorum.

In fine Psal. Requiem æternam dona &c. Et lux perpetua luceat eis.

Deinde. V. A porta inferi.

R. Erue, Domine, animas eorum.

V. Requiescant in pace.

R. Amen.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

Oratio.

Deus, qui inter Apostolicos Sacerdotes, famulostuos Pontificali, seu sacerdotali fecisti dignitate vigere: præsta quæsumus, ut eorum quoque perpetuo aggregentur consortio.

Deus, veniæ largitor, & humanæ salutis amator: quæsumus clementiam tuam, ut nostræ Congregationis fratres, propinquos, & benefactores, qui ex hoc sæculo transierunt, beata Maria semper virgine intercedente cum omnibus Sanctis tuis, ad perpetuæ beatitudinis consortium pervenire concedas.

Fidelium Deus omnium Conditor, & Redemptor, animabus famulorum, famularumq; tuarum, remissionem cunctorum tribue peccatorum: ut indulgentiam, quàm semper

opta-

optaverunt, pijs supplicationibus consequantur. Qui vivis & regnas in sæcula sæculorum.

In die verò Commemorationis omnium fidelium Defunctorum, quando dicitur hæc ultima tantum Oratio, dicitur, Qui vivis & regnas cum Deo Patre in unitate Spiritus sancti Deus; per omnia sæcula sæculorum. R. Amen.

In die depositionis Defuncti, Oratio.

Absolve, quæsumus Domine, animam *famuli tui **N.** (famulæ tuæ **N.**) ut *defunctus (defuncta) sæculo, tibi vivat: & quæ per fragilitatem carnis humana conversatione commisit, tu venia misericordissimæ pietatis absterge. Per Dominum nostrum, &c. R. Amen.

Vel. Oratio.

Deus, cui proprium est misereri semper, & parcere; te supplices exoramus pro anima *famuli tui **N.** (famulæ tuæ **N.**) quam hodie de hoc sæculo migrare iussisti: ut non tradas eam in manus inimici, neque obliviscaris in finem: sed jubeas eam à sanctis Angelis tuis suscipi, & ad patriam paradisi perduci: ut quia in te speravit & credidit, non pœnas infer-

ni sustineat, sed gaudia æterna possideat. Per
Dominum nostrum, &c

*In die tertio, septimo, & trigésimo depo-
sitionis Defuncti, Oratio.*

Quæsumus Domine, ut animæ * famuli
tui **N.** (famulæ tuæ **N.**) cujus deposi-
tionis diem * tertium (septimum, vel trigési-
mum) commemoramus, Sanctorum, atque
electorum tuorum largiri digneris consortium,
& rorem misericordiæ tuæ perennem infundas.
Per Dominum nostrū **JESUM** Christum, &c.

In Anniversario unius Defuncti, Oratio.

Deus indulgentiarum Domine; da animæ
* famuli tui **N.** (famulæ tuæ **N.**) cujus
anniversarium depositionis diem commemo-
ramus, refrigerij sedem, quietis beatitudinem,
& luminis claritatem. Per Dominum no-
strum, &c. *℞.* Amen.

In anniversario plurimorum, Oratio.

Deus indulgentiarum Domine; da anima-
bus famulorum, famularumq; tuarum,
quorum anniversarium depositionis diem com-
memoramus, refrigerij sedem, quietis beatitu-
dinem,

dinem, & luminis claritatem. Per Dominum nostrum, &c.

Aliaꝝ Orationes diversæ pro Defunctis.

Pro Summo Pontifice defuncto, Oratio.

DEus, qui inter summos Sacerdotes famulum tuum **N.** ineffabili tua dispositione connumerari voluisti: præsta quæsumus; ut qui unigeniti Filij tui vices in terris gerebat, sanctorum tuorum Pontificum consortio perpetuo aggregetur. Per eundem Dominum nostrum **JESUM Christum, &c. ⁊. Amen.**

Pro defuncto Episcopo, Oratio.

DEus, qui inter Apostolicos Sacerdotes famulum tuum **N.** Pontificali fecisti dignitate vigere: præsta quæsumus; ut eorum quoque perpetuo aggregetur consortio: Per Dominum nostrum, &c.

Pro defuncto Sacerdote, Oratio.

DEus, qui inter Apostolicos Sacerdotes, famulum tuum **N.** Sacerdotali fecisti dignitate vigere: præsta quæsumus; ut eorum quoque perpetuo aggregetur consortio. Per Dominum nostrum, &c.

Ff

Vel

Vel. Oratio.

PRæsta, quæsumus Domine, ut anima famuli tui **N.** Sacerdotis, quem in hoc sæculo commorantem sacris muneribus decorasti, in cælesti sede gloriosa semper exultet. Per Dominum nostrum, &c.

Pro Patre & Matre, Oratio.

DEus, qui nos patrem & matrem honorare præcepisti: miserere clementer animabus patris ac matris meæ, eorumque peccata dimitte: meque eos in æternæ claritatis gaudio fac videre. Per Dominum nostrum **JESUM** Christum, &c. **ꝛ.** Amen.

Si fit pro pluribus, dicatur, animabus parentum nostrorum, & ubi dicitur, meque dicitur nosque.

Si pro patre tantum, dicatur animæ patris mei, vel nostri.

Si pro matre tantum, dicatur, animæ matris meæ, vel nostræ, in principio tamen semper dicitur, qui nos patrem & matrē honorare.

Pro defunctis fratribus, propinquis & benefactoribus, dicitur Oratio, Deus veniæ largitor, ut supra fol. 222.

Pro

Pro uno defuncto, Oratio.

INclina Domine aurem tuam ad preces nostras, quibus misericordiam tuam supplices deprecamur: ut animam famuli tui **N.** quam de hoc sæculo migrare iussisti, in pacis ac lucis regione constituas; & Sanctorum tuorum jubeas esse confortem. Per Dominum nostrum **JESUM** Christum, &c. **ꝛ.** Amen.

Pro una defuncta, Oratio.

QUæsumus Domine, pro tua pietate miserere animæ famulæ tuæ **N.** & à contagijs mortalitatis exutam, in æternæ salvationis partem restitue. Per Dominum nostrum **JESUM**, &c.

Pro fidelibus defunctis generalis Oratio, Fidelium, &c. ut supra fol. 222.

Pro pluribus defunctis, Oratio.

OMnipotens sempiternæ Deus, cui nunquam sine spe misericordiæ supplicatur, propitiare animabus famulorum famularumque tuarum: ut qui de hac vita in tui nominis confessione decesserunt, Sanctorum tuorum numero facias aggregari. Per Dominum

nostrum JESUM Christum Filium tuum: qui tecum vivit & regnat in unitate Spiritus sancti Deus, per omnia sæcula sæculorum. **R.** Amen.

V. Requiem æternam dona eis Domine. **R.** Et lux perpetua luceat eis. **V.** Requiescant in pace. **R.** Amen.

AD MATUTINUM.



SEquens Invitorium cum suo psalmo dicitur tantum in die Commemorationis omnium fidelium Defunctorum, & in die depositionis Defuncti, quibus diebus dicuntur tres infra scripti Nocturni, & Antiphona duplicantur, tam ad Vesperas quàm ad Matutinum. Et in die Commemorationis omnium fidelium Defunctorum ad Vesperas omittitur psalmus, **Lauda anima mea.** & ad Laudes, **De profundis.** Alijs verò temporibus omittitur Invitorium cum psalmo, & inchoatur ab Antiphona Psalmorum Nocturni, & dicitur tantum unum Nocturnum cum suis Laudibus, hoc ordine: **Secunda & Quinta feria primum Nocturnum: Tertia & Sexta feria secundum Nocturnum: Quarta feria & Sabbato tertium Nocturnum.**

Ad

Ad Matutinum Invitatorium.

R



E gem cui omnia vivunt,



Venite adoremus.

Chorus repetit, Regem. &c. Psal. 94.



Venite exultemus Domino,



jubilemus Deo salutari nostro: præocu-



pemus faciem ejus in confessione, &

Ff 3

in



in psalmis jubilemuse i. **R**e gem.



Quoniam Deus magnus Dominus, & Rex



magnus super omnes deos: quoniã non re-



pellet Dominus plebem suam, quia in



manu ejus sunt omnes fines terræ & al-

titu-

titudines montium ipse conspicit. Venite.


Quoniam ipse est mare, & ipse fecit

illud, & a ridam fundaverunt manus ejus:


venite adoremus & procidamus ante

Deum: ploremus coram Domino qui fecit


nos,




nos, quia ipse est Dominus Deus noster: nos




autem populus ejus, & oves pascuæ




ejus. **R**egem cui. **H**odie si vocem




ejus audi eritis, nolite obdurare corda




vestra, sicut in exacerbatione secundum
diem




diem tentationis in deserto: ubi tenta-




verunt me patres vestri probaverunt &



viderunt opera mea. **V**enite. **Q**ua-



draginta annis proximus fui genera ti oni



huic, & dixi semper hi errant corde: ipsi

Gg

verò

verò non cognoverūt vias meas quibus iuravi in ira mea, si introibunt in requiem meam. **R**equiem. **R**equiem æternam dona eis Domine: & lux perpetua luceat eis. **V**enite. **R**equiem cui.

IN

IN PRIMO NOCTURNO,
Pro feria Secunda & Quinta.



Ant. Di rige. 7. Eu ou a e.

Psalmus 5.



Erba mea auribus percipe Domine, * intellige clamorem meum.
Intende voci orationis meæ, * Rex meus, & Deus meus.

Quoniam ad te orabo: * Domine, manè exaudies vocem meam.

Manè astabo tibi, & videbo: * quoniam non Deus volens iniquitatem tu es.

Neque habitabit juxta te malignus: * neque permanebunt iniusti ante oculos tuos.

Odisti omnes, qui operantur iniquitatem: * perdes omnes, qui loquuntur mendacium.

Virum sanguinum & dolosum abominabitur Dominus: * ego autem in multitudine misericordiæ tuæ;

Gg 2

Intro.

Intrōibo in domum tuam: * adorabo ad
templum sanctum tuum in timore tuo.

Domine deduc me in iustitia tua: * pro-
pter inimicos meos dirige in conspectu tuo vi-
am meam.

Quoniam non est in ore eorum veritas: *
cor eorum vanum est.

Sepulchrum patens est guttur eorum, lin-
guis suis dolosè agebant, * iudica illos Deus.

Décidant à cogitationibus suis, secundum
multitudinem impietatum eorum expelle eos, *
quoniam irritaverunt te Domine.

Et latentur omnes, qui sperant in te, * in
æternum exultabunt, & habitabis in eis.

Et gloriabuntur in te omnes, qui diligunt
nomen tuum, * quoniam tu benedices iusto.

Domine ut scuto bonæ voluntatis tuæ *
coronasti nos.

Requiem æternam, &c.



Ant. Di ri ge Domine Deus meus in

con-



Ant. Convertere Domine. s. E u o u a e.

Psalmus 6.

Domine, ne in furore tuo arguas me: * neque in ira tua corripas me.

Miserere mei Domine, quoniam infirmus sum: * sana me Domine, quoniam conturbata sunt ossa mea.

Et anima mea turbata est valdè: * sed tu Domine usquequo?

Convertere Domine, & eripe animã meã: * saluum me fac propter misericordiam tuam.

Quoniam non est in morte, qui memor sit tui: * in inferno autem quis confitebitur tibi?

Laboravi in gemitu meo, lavabo per singulas noctes lectum meum: * lacrymis meis stratum meum rigabo.

Gg 3

Tur-

Turbatus est à furore oculus meus: * inveteravi inter omnes inimicos meos.

Discedite à me omnes qui operamini iniquitatem: * quoniam exaudivit Dominus vocem fletus mei.

Exaudivit Dominus deprecationem meā, * Dominus orationem meam suscepit.

Erubescant, & conturbentur vehementer omnes inimici mei: * convertantur, & erubescant valdè velociter.

Requiem æternam, &c.



Ant. Convertere Domine, & eripe ani-



mam meam: quoniã non est in morte,



qui memor sit tui.

Ant.



Ant. Ne quando. s. E u o u i a e.

Psalmus 7.

Domine Deus meus, in te speravi: * sal-
vum me fac ex omnibus persequentibus
me, & libera me.

Ne quando rapiat, ut leo, animam meā, *
dum nō est qui redimat, neq; qui salvum faciat.

Domine Deus meus, si feci istud, * si est
iniquitas in manibus meis.

Si reddidi retribuētibus mihi mala, * de-
cidam merito ab inimicis meis inanis.

Persequatur inimicus animam meam, &
comprehendat, & conculet in terra vitam me-
am, * & gloriam meam in pulverem deducat.

Exurge Domine in ira tua * & exaltare in
finibus inimicorum meorum.

Et exurge Domine Deus meus in præcepto
quod mandasti: * & synagoga populorum cir-
cū dabit te.

E t

Et propter hanc in altum regredere: * Dominus iudicat populos.

Judica me Domine secundum iustitiam meam, * & secundum innocentiam meam super me.

Consumetur nequitia peccatorum, & diriges iustum, * scrutans corda, & renes Deus.

Justum adiutorium meum à Domino, * qui salvos facit rectos corde.

Deus iudex iustus, fortis, & patiens: * numquid irascitur per singulos dies?

Nisi conversi fueritis, gladium suum vibrabit: * arcum suum tetendit, & paravit illum.

Et in eo paravit vasa mortis, * sagittas suas ardentibus effecit.

Ecce parturit in iustitiam: * concepit dolorem, & peperit iniquitatem.


Lacum aperuit, & effodit eum: * & incidit in foveam quam fecit.

Convertetur dolor eius in caput eius: * & in verticem ipsius iniquitas eius descendet.


Confitebor Domino secundum iustitiam eius: * & psallam nomini Domini altissimi.

Requiem æternam, &c


Ant.




Ant. Ne quando rapiat, ut leo animam




meam, dum non est qui re dimat, neq;



qui saluum faciat.



Ps. A porta inferi. R. Erue Domine.



animas eorum.

Pater noster, totum secretò.

Hh


Lectio-

Lectioes leguntur sine Absolutione, Benedictionibus, & Titulo.

Lectio j. *Iob 7. c*

PArce mihi Domine, nihil enim sunt dies mei. Quid est homo, quia magnificas eum? aut quid apponis erga eum cor tuum? Visitas eum diluculo, & subito probas illum: Usquequò non parcis mihi, nec dimittis me, ut glutiam salivam meam? Peccavi, quid faciam tibi, o custos hominum? quare posuisti me contrarium tibi, & factus sum mihi metipsum gravis? Cur non tollis peccatum meum, & quare non auferis iniquitatem meam? ecce nunc in pulvere dormiam: & si mane me quaesieris, non subsistam.

Lectioes terminantur sine **T**u autem, vel alia conclusione.



Resp. Credo quod Redemptor meus

vivit,



vi vit, & in novissi-



mo di e de terra surrectu-



rus sum: **Et** in car ne mea



vi debo De um Salvatorem



me um. **¶** Quem vi-

Hh 2

furus



fu rus sum e go ipse, &



non a li us, & o culi mei con-



spec tu ri sunt.



Et in car ne.

Lectio ij.

Iob 10.

Tædet animam meam vitæ meæ, dimit-
tam adversum me eloquium meum, lo-
quar in amaritudine animæ meæ. Dicam Deo:
Noli me condemnare: indica mihi cur me ita

judi-

judices? Numquid bonū tibi videtur, si calum-
niēris me, & opprimas me opus manuum tuarū,
& consilium impiorum adjuves? Numquid o-
culi carnei tibi sunt: aut sicut videt homo, & tu
videbis? Numquid sicut dies hominis dies tui
& anni tui sicut humana sunt tempora, ut quæ-
ras iniquitatem meam, & peccatum meum
scrutēris? Et scias, quia nihil impium fecerim,
cū sit nemo, qui de manu tua possit eruere.

R. Qui Laza rum re su scita sti

à monumen to foeti dum:

Tu é is Domine dona requiem &

Hh 3 locum



lo cum in dul genti æ.



Qui venturus es judica-



re vi vos & mortu os & facu-



lum per i gnem. Tu e is.

Lectio iij. Job 10.

MAnus tuæ fecerunt me, & plasmaverunt me totum in circuitu: & sic repente præcipitas me? Memento, quæso, quòd sicut

sicut lutum feceris me, & in pulverem reduces me. Nonne sicut lac mulsisti me, & sicut caseum me coagulasti? Pelle, & carnibus vestisti me, ossibus, & nervis compegisti me. Vitam, & misericordiam tribuisti mihi, & visitatio tua custodivit spiritum meum.



Resp. Domine quando ve-



ne ris judicare terram, ubi



me abscondam à vultu iræ



tu æ? **Q**uia peccavi nimis in vi-

ta



ta me a. ✠. Commiffa



mē ā pa veſco & ante te



e ru be ſco: dum ve neris judi care



noli me con dem na-



re. Quia peccavi. ✠. Requi-

em



em æ ter nam dona e-



is Domi ne, & lux perpe tua,



lu ce at e is.



Quia peccavi.

IN SECUNDO NOCTURNO,
proferia Tertia & Sexta.



Ant. In loco pascuæ. s. E u o u a e.

ii

Plal-

Psalmus 22.

Dominus regit me, & nihil mihi deerit: *
in loco pascuæ ibi me collocavit.

Super aquam refectiois educavit me: *
animam meam convertit.

Deducit me super semitas justitiæ, * prop-
ter nomen suum.

Nam etsi ambulavero in medio umbræ
mortis non timebo mala: * quoniã tu mecũ es.

Virga tua, & baculus tuus, * ipsa me con-
solata sunt.

Parasti in conspectu meo mensam, * ad-
versus eos qui tribulant me.

Impinguasti in oleo caput meum, * & ca-
lix meus inebrians quàm præclarus est.

Et misericordia tua subsequetur me, * om-
nibus diebus vitæ meæ.

Et ut inhabitem in domo Domini, * in
longitudinem dierum.

Requiem æternam.



Ant. In loco pascuæ, ibi me collocavit.

Ant.



Ant. Deli cta. 8. E u o u a e.

Psalms 24.

AD te Domine levavi animam meam: *
Deus meus in te confido non erubescam.
Neque irrideant me inimici mei: * etenim
universi qui sustinent te, non confundentur.

Confundantur omnes iniqua agentes * su-
pervacuè:

Vias tuas Domine demonstra mihi: * & se-
mitas tuas edoce me.

Dirige me in veritate tuá, & doce me: *
quia tu es Deus salvator meus, & te sustinui to-
ta die.

Reminiscere miserationum tuarum Domi-
ne, * & misericordiarum tuarum, quæ à sæcu-
lo sunt.

Deli cta juventutis meæ, * & ignorantias
meas ne memineris.

Secundùm misericordiam tuam memento
mei tu: * propter bonitatem tuam Domine.

Dulcis, & rectus Dominus: * propter hoc legem dabit delinquentibus in via.

Diriget mansuetos in iudicio: * docebit mites vias suas.

Universæ viæ Domini, misericordia, & veritas: * requirentibus testamentum ejus, & testimonia ejus.

Propter nomen tuum Domine propitiaberis peccato meo: * multum est enim.

Quis est homo qui timet Dominum? * legem statuit ei in via, quam elegit.

Anima ejus in bonis demorabitur: * & semen ejus hæreditabit terram.

Firmamentū est Dominus timentibus eū: * & testamentum ipsius, ut manifestetur illis.

Oculi mei semper ad Dominum: * quoniam ipse evellet de laqueo pedes meos.

Respice in me, & miserere mei: * quia unicus, & pauper sum ego.

Tribulationes cordis mei multiplicatæ sunt: * de necessitatibus meis erue me.

Vide humilitatem meam, & laborem meum: * & dimitte universa delicta mea.

Respice inimicos meos, quoniam multi-

pli-

plicati sunt, * & odio iniquo oderunt me.

Custodi animam meam, & erue me: * non erubescam, quoniam speravi in te.

Innocentes, & recti adhæserunt mihi: * quia sustinui te.

Libera Deus Israel, * ex omnibus tribulationibus suis.

Requiem æternam, &c.



Ant. Delicta juventutis meæ & ignoran-



tias meas ne memine ris Domi ne.



Ant. Credo vide re. 4. E u o u a e.

Psalmus 26.

Dominus illuminatio mea, & salus mea, *
quem timebo?

Dominus protector vitæ meæ, * à quo trepidabo?

Dum appropiant super me nocentes, * ut edant carnes meas:

Qui tribulant me inimici mei, * ipsi infirmati sunt, & ceciderunt.

Si consistant adversum me castra, * non timebit cor meum.

Si exurgat adversum me prælium, * in hoc ego sperabo.

Unam petij à Domino, hanc requiram, * ut in habitem in domo Domini omnibus diebus vitæ meæ.

Ut videam voluptatem Domini, * & visitem templum ejus.

Quoniam abscondit me in tabernaculo suo: * in die malorum protexit me in abscondito tabernaculi sui.

In petra exaltavit me: * & nunc exaltavit caput meum super inimicos meos.

Circuivi, & immolavi in tabernaculo eius

hosti-

hostiam vociferationis: * cantabo, & psalmum dicam Domino.

Exaudi Domine vocem meam, qua clamavi ad te: * miserere mei, & exaudi me.

Tibi dixit cor meum, exquisivit te facies mea: * faciem tuam Domine requiram.

Ne avertas faciem tuam à me: * ne declines in ira à servo tuo.

Adjutor meus esto: * ne derelinquas me, neque despicias me Deus salutaris meus.

Quoniam pater meus, & mater mea dereliquerunt me: * Dominus autem assumpsit me.

Legem pone mihi Domine in via tua: * & dirige me in semitam rectam propter inimicos meos.

Ne tradideris me in animas tribulantium me: * quoniam insurrexerunt in me testes iniqui, & mentita est iniquitas sibi.

Credo videre bona Domini * in terra viventium.


Expecta Dominum, viriliter age: * & confortetur cor tuum, & sustine Dominum.

Requiem æternam, &c.

Ant.



Ant. Credo vide re bona Domini in terra



viven ti um.



Vers. Collocet eos Dominus cum principibus.



Resp. Cum principibus populi sui.

Pater noster, **totum secretò.**

Lectio iiij. *Job 13. d*

Responde mihi: Quantas habeo iniquitates, & peccata, scclera mea, & delicta

osten-

ostende mihi. Cur faciem tuam abscondis, & arbitraris me inimicum tuum? Contra folium, quod vento rapitur, ostendis potentiam tuam, & stipulam siccam persequeris. Scribis enim contra me amaritudines, & consumere me vis peccatis adolescentiæ meæ. Posuisti in nervo pedem meum, & observasti omnes semitas meas, & vestigia pedum meorum considerasti. Qui quasi putredo consumendus sum, & quasi vestimentum, quod comeditur à tinea.



Resp. Memento me i De us



quia ventus est vita me-



a, Nec a spi ciat me vi-


Kk fus



fus homi nis. ✠. De profun-



dis clamavi ad te Domi ne, Domi-



ne exaudi vocem me am.



Nec aspiciat.

LECTIO v. Job 14.

Homo natus de muliere, brevi vivenstem-
pore, repletur multis miserijs. Qui quasi
flos egreditur, & conteritur, & fugit velut um-
bra

bra, & nunquam in eodem statu permanet. Et dignum ducis super huiuscemodi aperire oculos tuos, & adducere eum tecum in iudicium? Quis potest facere mundum de immundo conceptum femine? Nonne tu qui solus es? Breves dies hominis sunt, numerus mensium ejus apud te est: constituisti terminos ejus, qui præteriri non poterunt. Recede paululum ab eo, ut quiescat, donec optata veniat, sicut mercenarij dies ejus.



Resp. Heu mihi Do mi ne, quia



pecca vi ni mis in vi ta



me a: quid faciam mi ser? u-

Kk 2

bi



bi fu gi am, nisi ad te



De us me us? **M**ise re re



me i, dum ve ne-



ris in novissimo



di e. **Vers.** A nima me a

tur-



turba ta est val dè, sed tu Do-



mine, suc curre e i.



Mise re re.

Lectio vj. Job 14. c

Quis mihi hoc tribuat, ut in inferno protegas me, & abscondas me, donec pertranseat furor tuus, & constituas mihi tempus, in quo recorderis mei? Putasne mortuus homo rursus vivat? Cunctis diebus, quibus nunc milito, expecto donec veniat immutatio mea. Vocabis me, & ego respondebo tibi: operi manuum tuarum porriges dexteram. Tu quidem

gressus

gressus meos dinumerasti, sed parce peccatis
meis.

Resp Ne recor de ris peccata me-

a Do mi ne, **Dum**

vene ris judi care fæ-

culum per i gnem.

Di ri ge Do mine De-

us

us meus, in conspectu tu o vi-

am me am. **D**um vene-

ris. *γ*. Re quem æ ter nam

dona e is. Dòmi ne: & lux


perpetua lu ce at e is.

Dum



Dum vene ris.

IN TERTIO NOCTURNO,
pro feria Quarta, & Sabbato.



Ant. Complacet. 2. E u o u a c.

Psalmus 39.

EXpectans expectavi Dominum, * & intendit mihi.

Et exaudivit preces meas: * & eduxit me de lacu miseræ, & de luto fæcis.

Et statuit supra petram pedes meos: * & direxit gressus meos.

Et immisit in os meum canticum novū, * carmen Deo nostro.

Videbunt multi, & timebunt: * & sperabunt in Domino.

Bea-

Beatus vir, cuius est nomen Domini spes eius: * & non respexit in vanitates & insanias falsas.

Multa fecisti tu Domine Deus meus mirabilia tua: * & cogitationibus tuis non est qui similis sit tibi.

Annuntiavi, & locutus sum: * multiplicati sunt super numerum.

Sacrificium, & oblationem noluisti: * aures autem perfecisti mihi.

Holocauftum & pro peccato non postulasti: * tunc dixi: Ecce venio.

In capite libri scriptum est de me, ut facerem voluntatem tuam: * Deus meus volui, & legem tuam in medio cordis mei.

Annuntiavi iustitiam tuam in Ecclesia magna, * ecce labia mea non prohibebo: Domine tu scisti!

Justitiam tuam non abscondi in corde meo: * veritatem tuam, & salutare tuum dixi.

Non abscondi misericordiam tuam, & veritatem tuam, * à concilio multo.

Tu autem Domine ne longè facias miserationes tuas à me: * misericordia tua & veri-

tas tua semper susceperunt me.

Quoniam circumdederunt me mala, quorum non est numerus: * comprehenderunt me iniquitates meæ, & non potui ut viderem.

Multiplicatæ sunt super capillos capitis mei: * & cor meum dereliquit me.

Complaceat tibi Domine ut eruas me: * Domine ad adiuuandum me respice.

Confundantur, & reuerentur simul qui quærunt animam meam, * vt auferant eam.

Convertantur retrorsum, & reuerentur, * qui volunt mihi mala.

Ferant confestim confusionem suam, * qui dicunt mihi: Euge, euge.

Exultent, & lætentur super te omnes quærentes te: * & dicant semper: Magnificetur Dominus: qui diligunt salutare tuum.

Ego autem mendicus sum, & pauper: * Dominus sollicitus est mei.

Adjutor meus, & protector meus tu es: * Deus meus ne tardaveris.

Requiem æternam dona eis Domine.

Et lux perpetua luceat eis.

Ant.



Ant. Compla ceat tibi Domine, ut e ri pias



me: Domine ad ad iuvandum me re spice.



Ant. Sana Domine. 2. E u o u a c.

Psalmus 40.

BEatus qui intelligit super egenum, & pau-
perem : * in die mala liberabit eum Do-
minus.

Dominus conseruet eum, & vivificet eum,
& beatum faciat eum in terra : * & non tradat
eum in animam inimicorum ejus.

Dominus opem ferat illi super lectum do-

L1 2

loris

loris ejus: * universum stratum ejus verfasti in infirmitate ejus.

Ego dixi: Domine, miserere mei: * sana animam meam, quia peccavi tibi.

Inimici mei dixerunt mala mihi: * Quando morietur, & peribit nomen ejus?

Et si ingrediebatur ut videret, vana loquebatur, * cor ejus congregavit iniquitatem sibi.

Egrediebatur foras, * & loquebatur in idipsum.

Adversum me susurrabant omnes inimici mei: * adversum me cogitabant mala mihi.

Verbum iniquum constituerunt adversum me: * Numquid qui dormit, non adjiciet ut resurgat?

Etenim homo pacis meae in quo speravi: * qui edebat panes meos, magnificavit super me supplantationem:

Tu autem Domine miserere mei, & resuscita me: * & retribuam eis.

In hoc cognovi, quoniam voluisti me: * quoniam non gaudebit inimicus meus super me.

Me autem propter innocentiam suscepi-

sti: *

sti: * & confirmasti me in conspectu tuo in æternum.

Benedictus Dominus Deus Israël à sæculo, & usque in sæculum: * fiat, fiat.

Requiem æternam.



Ant. Sa na Domine a nimam meam quia



peccavi ti bi.



Ant Si ti vit. 2. E u o u a e.

Psalmus 41.

Uemadmodum desiderat cervus ad fontes aquarum: * ita desiderat anima mea ad te Deus.

LI 3

S iti-

Sitivit anima mea ad Deum fortem vivum: * quando veniam, & apparebo ante faciem Dei?

Fuerunt mihi lacrymæ meæ panes die ac nocte: * dum dicitur mihi quotidie: Ubi est Deus tuus?

Hæc recordatus sum, & effudi in me animam meam: * quoniam transibo in locum tabernaculi admirabilis, usque ad domum Dei.

In voce exultationis, & confessionis: * sonus epulantis.

Quare tristis es anima mea? * & quare conturbas me?

Spera in Deo, quoniam adhuc confitebor illi: * salutare vultus mei, & Deus meus.

Ad me ipsum anima mea conturbata est: * propterea memor ero tui de terra Iordanis, & Hermonijm à monte modico.

Abyssus abyssum invocat, * in voce cataractarum tuarum.

Omnia excelsa tua, & fluctus tui * super me transfierunt.

In die mandavit Dominus misericordiam suam: * & nocte canticum ejus.

A pud

A pud me oratio Deo vitæ meæ; * dicam
Deo: Susceptor meus es.

Quare oblitus es mei? * & quare contri-
stus incedo, dùm affligit me inimicus?

Dum confringuntur ossa mea, * expo-
braverunt mihi, qui tribulant me inimici mei:

Dum dicunt mihi per singulos dies: Ubi
est Deus tuus? * quare tristis es anima mea? &
quare conturbas me?

Spera in Deo quoniam adhuc confitebor
illi: * salutare vultus mei & Deus meus.

Requiem æternam, &c.



Ant. Si ti vit a nima mea ad



Deum vivum: quãdo ve ni am, &



ap pare bo an te fa ci em Domini.

Verf.



Verf. Ne tradas bestijs animas con-



fitentes tibi. *rs.* Et animas pau-



perum tuorum ne obliviscaris



in finem.

*P*ater noster, *totum secretò.*

Lectio vij. Iob 17.

Spiritus meus attenuabitur, dies mei bre-
viabuntur, & solum mihi superest sepul-
chrum.

chrum. Non peccavi, & in amaritudinibus
 moratur oculus meus. Libera me, Domine,
 & pone me juxta te, & cujusvis manus punget
 contra me. Dies mei transierunt, cogitationes
 meæ dissipatae sunt, torquentes cor meum.
 Noctem verterunt in diem, & rursus post te-
 nebras spero lucem. Si sustinero, infernus do-
 mus mea est, & in tenebris stravi lectulum meum.
 Putredini dixi, Pater meus es: mater mea, & so-
 ror mea, vermibus. Vbi est ergo nunc praestola-
 tio mea, & patientiam meam quis considerat?

Resp. Peccantem me quo ti di è,

& non me poe ni ten tem, ti-

mor mor tis contur bat me:

Mm

Quia



Quia in inferno nulla est
redemptio, misere re
me i Deus, & salva
me. ✠. Deus in nomine tuo
salvum me fac, & in virtute
tua



tu a li be ra me. Quia in.

Lectio viij.

Job. 19.

Pelli me consumptis carnibus, adhæsit os meum, & derelicta sunt tantummodò labia circa dentes meos. Misere mini mei, misere mini mei, saltem vos amici mei: quia manus Domini tetigit me. Quare persequimini me sicut Deus, & carnibus meis saturamini? Quis mihi tribuat ut scribantur sermones mei? Quis mihi det, ut exarentur in libro stylo ferreo, & plumbi lamina, vel celte sculpantur in filice? Scio enim quòd Redemptor meus vivit, & in novissimo die de terra surrecturus sum: & rursus circumdabor pelle mea, & in carne mea videbo Deum meum. Quem visurus sum ego ipse, & oculi mei conspecturi sunt, & non alius: reposita est hæc spes mea in sinu meo.



Reip. Do mine secundum actum me-

M m 2

um



um no li me judi
ca re: nihil dignum in
conspecu tu o e
gi: i deò de pre cor
ma je statem tu an.
am

U t tu Deus dele as

iniqui ta tem

me am. *✠* Ampli

us la va me Domine,

ab iniusti ti a me a, & à deli.

Mm 3



delicto me o munda



me. Ut tu De us:

Lectio ix. Iob. 10. d

Quare de vulva eduxisti me ? qui utinam consumptus essem , ne oculus me videret. Fuissem quasi non essem , de utero translatus ad tumulum. Numquid non paucitas dierum meorum finietur brevi ? Dimitte ergo me , ut plangam paululum dolorem meum : antequam vadam , & non revertar ad terram tenebrosam , & opertam mortis caligine : Terram miseriae , & tenebrarum , ubi umbra mortis , & nullus ordo , sed sempiternus horror inhabitat.

Resp. Libe ra me Do mi ne de

vi js inferni, qui por-

tas æreas confre gi fti: & vi

fi ta fti infernum, &

de difti e is lu men, ut vi de rent

te:



te: Qui e rant in pœ nis



te ne bra rum v. Clamātes,



& dicen tes, Adve ni sti Re-



demptor noster. Qui e rāt.



v. Requiem æternam dona e is Do mi ne:

&



& lux perpe tu a lu ceat e is.



Qui e rant.

Aliud Responsorium videlicet. Libera me Domine, quod dicitur in die Commemoratio- nis omnium Defunctorum, & quodocunquē pro Defunctis dicuntur novem Lectiones, ha- betur supra folio 207.

AD LAUDES

absolutē incipitur Antiphona.



Exultabūt Domino. i. Eu ou a ē.

Nn

Plal.

Psalmus 50.

Miserere mei Deus, * secundum magnam misericordiam tuam:

Et secundum multitudinem miserationum tuarum, * dele iniquitatem meam.

Amplius lava me ab iniquitate mea: * & à peccato meo munda me.

Quoniam iniquitatem meam ego cognosco: * & peccatum meum contra me est semper.

Tibi soli peccavi, & malum coram te feci: * ut justificeris in sermonibus tuis, & vincas cum iudicaris.

Ecce enim in iniquitatibus conceptus sum: * & in peccatis concepit me mater mea.

Ecce enim veritatem dilexisti: * incerta & occulta sapientiae tuae manifestasti mihi.

Asperges me hyssopo, & mundabor: * lavabis me, & super nivem dealbabor.

Auditui meo dabis gaudium & lætitiā: * & exultabunt ossa humiliata.

Averte faciem tuam à peccatis meis: * & omnes iniquitates meas dele.

Cor mundum crea in me Deus: * & spiritum

ritum

ritum rectum innova in visceribus meis.

Ne proijcias me à facie tua: * & spiritum sanctum tuum ne auferas à me.

Redde mihi lætitiã salutaris tui: * & spiritu principali confirma me.

Docebo iniquos vias tuas: * & impij ad te convertentur.

Libera me de sanguinibus Deus, Deus salutis meæ: * & exultabit lingua mea iustitiam tuam.

Domine, labia mea aperies: * & os meum annuntiabit laudem tuam.

Quoniam si voluisses sacrificium, dedissem utique: * holocaustis non delectaberis.

Sacrificium Deo spiritus contribulatus: * cor contritum, & humiliatum Deus non despicies.

Benignè fac Domine in bona voluntate tua Sion: * ut ædificentur muri Ierusalem.

Tunc acceptabis sacrificium iustitiæ, oblationes, & holocausta: * tunc imponent super altare tuum vitulos.


Requiem æternam.

N n 2

Ant.



Ant. Exul tabunt Domino ossa hu mi.



li a ta.



Aut. Exaudi Domine s. E u o u a e.

Psalmus 64.

TE decet hymnus Deus in Sion: * & tibi reddetur votum in Ierusalem.

Exaudi orationem meam: * ad te omnis caro veniet,

Verba iniquorum prævaluerunt super nos: * & impietatibus nostris tu propitiaberis.

Beatus quem elegisti, & assumpsisti: * inhabitabit in atrijs tuis.

Reple-

Replebimur in bonis domus tuæ: * sanctum est templum tuum, mirabile in æquitate.

Exaudi nos Deus salutaris noster, * spes omnium finium terræ, & in mari longè.

Præparans montes in virtute tua, accinctus potentia: * qui conturbas profundum maris, sonum fluctuum ejus.

Turbabuntur Gentes, & timebunt qui habitant terminos à signis tuis: * exitus matutini, & vesperè delectabis.

Visitasti terram, & inebriasti eam: * multiplicasti locupletare eam.

Flumen Dei repletum est aquis, parasti cibum illorum: * quoniam ita est præparatio ejus.

Rivos ejus inebria, multiplica genimina ejus: * in stillicidijs ejus lætabitur germinans.

Benedices coronæ anni benignitatis tuæ: * & campi tui replebuntur ubertate.

Pinguescent speciosa deserti: * & exultatione colles accingentur.

Induti sunt arietes ovium, & valles abundabunt frumento: * clamabunt, etenim hymnum dicent.

Requiem æternam, &c.



Ant. Exaudi Domine ora tionem me-



am, ad te omnis ca ro veni et.



Ant. Me susce pit. 7. E u o u a e.

Psalmus 62.

DEus Deus meus * ad te de luce vigilo.
Sitiuit in te anima mea, * quam mul-
tipliciter tibi caro mea.

In terra deserta, & in via, & in aquosa: *
sic in sancto apparui tibi, ut viderem virtutem
tuam, & gloriam tuam.

Quoniam melior est misericordia tua su-
per vitas: labia mea laudabunt te.

Sic

Sic benedicam te in vita mea: * & in nomine tuo levabo manus meas.

Sicut adipe & pinguedine repleatur anima mea: * & labijs exultationis laudabit os meum.

Si memor fui tui super stratum meum in matutinis meditabor in te: * quia fuisti adiutor meus.

Et in velamento alarum tuarum exultabo, adhæsit anima mea post te: * me suscepit dextera tua.

Ipsi verò in vanum quæsierunt animam meam, introibunt in inferiora terræ: * tradentur in manus gladij partes vulpium erunt.

Rex verò lætabitur in Deo, laudabuntur omnes qui jurant in eo: * quia obstructum est os loquentium iniqua. **Psalmus 66.**

Deus misereatur nostri, & benedicat nobis: * illuminet vultum suum super nos, & misereatur nostri.

Vt cognoscamus in terra viam tuam: * in omnibus gentibus salutare tuum.

Confiteantur tibi populi Deus: * confiteantur tibi populi omnes.

Lætentur & exultent Gentes: * quoniam

judi

judicas populos in æquitate, & Gentes in terra dirigis.

Confiteantur tibi populi Deus: confiteantur tibi populi omnes: * terra dedit fructū suū.

Benedicat nos Deus, Deus noster, benedicat nos Deus: * & metuant eum omnes fines terræ.

Requiem æternam.



Ant. Me susce pit dextera tua Domine.



Ant. A por ta in fe ri 2. E u o u a e.

Canticum Ezechie *Isaie 38.*

Ego dixi: In dimidio dierum meorum * vadam ad portas inferi.

Quæsiui residuum annorum meorum: * dixi: Non videbo Dñum Deum in terra viventium.

Non aspiciam hominem ultra, * & habitatorem quietis.

Gene-

Generatio mea ablata est: & convoluta est à me, * quasi tabernaculum pastorum:

Præcisa est velut à texente vita mea: dum adhuc ordiret, succidit me: * de manè usque ad vesperam finies me.

Sperabam usque ad manè, * quasi leo, sic contrivit omnia ossa mea.

De manè usque ad vesperam finies me: * sicut pullus hirundinis sic clamabo, meditabor ut columba.

Atenuati sunt oculi mei, * suspicientes in excelsum.

Domine, vim patior, responde pro me. * Quid dicam, aut quid respondebit mihi, cum ipse fecerit?

Recogitabo tibi omnes annos meos * in amaritudine animæ meæ.

Domine si sic vivitur, & in talibus vita spiritus mei, corripies me, & vivificabis me: * Ecce in pace amaritudo mea amarissima.

Tu autem eruisti animam meam, ut non periret, * projecisti post tergum tuum omnia peccata mea.

Quia non infernus confitebitur tibi, ne-

Oo

que

que mors laudabit te: * non expectabunt, qui descendunt in lacum veritatem tuam.

Vivens vivens ipse confitebitur tibi, sicut & ego hodie: * pater filijs notā faciet veritatē tuā.

Domine salvum me fac, * & psalmos nostros cantabimus cunctis diebus vitæ nostræ in domo Domini.

Requiem æternam. &c.



Ant. A por ta in fe ri, e rue Do-



mine a nimam meam.



Ant. Omnis spi ritus 7. E u o u a e.

Psalmus 148.

Laudate Dominum de cælis: * laudate eum in excelsis,

L au-

Laudate eum omnes Angeli ejus : * lau-
date eum omnes virtutes ejus.

Laudate eum sol, & luna : * laudate eum
omnes stellæ, & lumen.

Laudate eum cæli cælorum : * & aquæ
omnes, quæ super cælos sunt, laudent no-
men Domini.

Quia ipse dixit, & facta sunt : * ipse man-
davit, & creata sunt.

Statuit ea in æternum, & in sæculum sæ-
culi : * præceptum posuit, & non præteribit.

Laudate Dominum de terra : * dracones
& omnes abyssi :

Ignis, grando, nix, glacies, spiritus pro-
cellarum : * quæ faciunt verbum ejus :

Montes, & omnes colles : * ligna fructi-
fera, & omnes cedri :

Bestæ, & universa pecora : * serpentes, &
volucres pennatæ :

Reges terræ, & omnes populi : * princi-
pes, & omnes judices terræ :

Juvenes, & virgines : senes cum juniori-
bus, laudent nomen Domini : * quia exalta-
tum est nomen ejus solius.

Confessio ejus super cælum & terram : *
& exaltavit cornu populi sui.

Hymnus omnibus sanctis ejus : * filijs Isra-
ël, populo appropinquanti sibi.

Psalmus 149.

Cantate Domino canticum novum : * laus
ejus in Ecclesia sanctorum.

Lætetur Israël in eo, qui fecit eum : * &
filij Sion exultent in rege suo.

Laudent nomen ejus in choro: in tympa-
no, & psalterio psallant ei.

Quia beneplacitum est Domino in populo
suo : * & exaltabit mansuetos in salutem.

Exultabunt sancti in gloria : * lætabun-
tur in cubilibus suis.

Exaltationes Dei in gutture eorum ; * &
gladij ancipites in manibus eorum.

Ad faciendam vindictam in nationibus : *
inreparationes in populis.

Ad alligandos reges eorum in compedi-
bus : * & nobiles eorum in manicis ferreis.

Vt faciant in eis iudicium conscriptum : *
gloria hæc est omnibus sanctis ejus.

Psalmus 150.

Laudate Dominum in sanctis ejus: * laudate eum in firmamento virtutis ejus.

Laudate eum in virtutibus ejus: * laudate eum secundum multitudinem magnitudinis ejus.

Laudate eum in sono tubæ: * laudate eum in psalterio, & cithara.

Laudate eum in tympano, & choro: * laudate eum in chordis, & organo.

Laudate eum in cymbalis benesonantibus, laudate eum in cymbalis jubilationis: * omnis spiritus laudet Dominum.

Requiem æternam, &c.



Ant. Omnis spiritus laudet Dominum.



Verſ. Audiui vocem de cælo dicentem

O o 3

mihi



mi hi *Rz.* Bea ti mortui, qui in



Domino mori un tur:



Ant. E go sum 2. E u o au c.

Canticum Zachariæ. Luca 1. g

Benedictus Dominus Deus Israel: * quia
visitavit, & fecit redemptionem Plebis
suæ:

Et erexit cornu salutis nobis, * in domo
David pueri sui.

Sicut locutus est per os sanctorum, * qui
à sæculo sunt, prophetarum ejus.

Salu-

Salutem ex inimicis nostris, * & de manu omnium, qui oderunt nos.

Ad faciendam misericordiam cum patribus nostris: * & memorari testamenti sui sancti.

Jurjurandum quod iuravit ad Abraham patrem nostrum, * daturum se nobis:

Vt sine timore de manu inimicorum nostrorum liberati, * serviamus illi.

In sanctitate, & justitia coram ipso, * omnibus diebus nostris.

Et tu puer, Propheta Altissimi vocaberis: * præibis enim ante faciem Domini parare vias ejus.

Ad dandam scientiam salutis plebi ejus: * in remissionem peccatorum eorum.


Per viscera misericordiae Dei nostri: * in quibus visitavit nos, oriens ex alto.

Illuminare his, qui in tenebris, & in umbra mortis sedent: * ad dirigendos pedes nostros in viam pacis.

Requiem æternam dona eis, Domine.

Et lux perpetua luceat eis.

Ant.



Ant. E go sum re surrecti o & vi-



ta: qui cre dit in me, e tiam si mor-



tu us fu e rit, vi vet: & omnis qui vi vit,



& cre dit in me, non morietur in æternum.

Deinde Pater noster. Psalm. De profundis.
fol. 215. cum Precibus & Orationibus Officio
congruentibus, ut supra in Vespis, fol. 222.

DE